

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklarungen.pdf>

.115.

Kauf p[e]r: 360. f: Vnd .2. f:
.30. x: Leÿkhauf

Wolf Puechschmidt Wittiber von Kazbach
Bekhent, vnd verkhaufft mit Consens
des churf[ü]r[s]tl:[ichen] Pflegambts Waldtmünch[en],
seine seith dem .17. 8br: 1694. in=
gehabte Söldten daselbsten mit all dessen
R[e]chtl.[ichen] ein: vnd Zuegehörung[en], zu dorf
vnd Veldt nichts hieruon Besondert:
noch ausgenommen, gleich Er selbige
ingehabt, genuzt, vnd genossen hat,
von welchen iehrlich besagt churfrtl:
Pflegrambt zu Geörgi: od[er] Michäeli

.1. f: 15. x: Zins ain halbe Fas[t]nacht hennen,
vnd .3. Pfundt hofschmalz verraicht, dan
ain tag mähen .1. heugen .2. schneiden,
vnd .1. tag hackhenscharwerch verricht,
oder das Gelt dafür bezalt werden
mues, auch im ybrigen aldahin mit
der Manschaft, Rais, Steur, Scharwerch
zum Schlos, vf begebente Verenderung
mit dem zehenten pfening handlang,
vnd all andern pottmessigkheiten vnd[er]=
worfen, vnd Beÿgethan ist, Dem Ehr=
bahren seinen fr[eund]tl:[ich] lieben Eheleibl:[ichen]
Sohn Geörgen Puechschmidt derohrts
vnd Anna dessen Eheweib vmb .130. f:
dan absonderlich .2. oxen pr: 32. f: 2.
kleinere pr: 24. f: 1. Kalmb .6. f: 2.
S: V: Schwein .5. f: 3. Schaf sambt dennen
Lembem [Lämmern] .6. f: 1 ½ Beschlagene Wagen
.24. f: 1. pflueg, vnd .1. Eiden .5. f:
30. x: 1. Eisen[er] Höllhafen .4. f: 30. x:
.1. Spör, vnd .2. Zwüing khetten .2. f: 30. x:
.1. Halmbstuehl sambt dem Messer .3. f: 1.
paumbseeg [Baumsäge] .1. f: 6. Viech khetten .1. f:
.30. x: den sambentl:[ichen] hausrath, sambt
der paumans fahrnus .20. f: 40. fuetter
S: V: Tunget a. 15. x: 10. f: die verhandtene

.116.

fiettereÿ, als heu: Stro, vnd Gromath pr:
.15. f: die verhandtene wüntterzehl pr:
.40. f: dan die Sommerzehl .30. f: thuet
.230. f: zusammen in einer Summa
vmb, vnd pr: 360. f: sambt .2. f: 30. x:
gleich paar bezalten Leÿkhauf, welchen

khaufschilling der Khaufer volgender=
gestalten zubezahlen versprochen, als
Erstlichen will Khaufer zur Angab vf
heyl:[ige] Jacobi anno diss, waran ihme aber
.30. f: heurath gueth abgehen .150. f: dan
zu solcher zeit anno .1733. 12. f: nachfrist
erlegen, vnd mit solch Leztern solang Con=
tinuirn, bis der völlige Kaufschilling
allerdings entricht, vnd Bezalt sein würdt,
deme nun in ain: so andern nachzekommen,
haben Beede thaill Beÿ ghrt: [Gericht] hierÿber handt=
straichlichen angelobt. act:[um] den .5. Julÿ
.1732.

Zeugen

Geörg Scherpaur von Kazbach, vnd Valentin
Schwamberger ausm Haslbach

Ausnamb hierauf.

Vorbesagter Wolf Puechschmidt hat ihme vnd[er]
heutigten dato seinen Eheleibl:[ichen] Sohn Hanns

Puechschmidt verkhaufften Söldten ad dies
vito Zur Leibgeding, folgentes aus=
genommen, als.

Erstlichen die freÿ, vnd vnuertribene her=
berg vf der Stuben, Kundten: od[er] wolten
sÿe sich aber mit einander nit vertragen,
were khaufer schuldfig aus dem verhandtenen
alten Stahl ain Cämberl errichten z[u]lassen,
vnd die Notturft an pau materialien beÿ=
zufiehren, der verkhaufer aber die pau
Vnkosten zubestreiten, vf welchen fahl
auch Kaufer das bedurftige Licht: vnd
prenn holz beÿschaffen miesste.

Andertens hat der khaufer dem verkhaufer
zur vnterhalt Jehrlich .10. Mezen Korn
.2. Mezen gersten, vnd .8. Mezen Habern
zueerraichen auch deme in seinen grundte
alle Jahr .1. Prändl .1. Mezen getraidt
aus zu pauen zu yberlassen.

Drittens ain Khue zu simern, vnd zu wünt=
tern, auch zur grässereÿ den verhandte=
nen Krauth garten abzutretten.

Viertens soll Kaufer dem verkhaufer .4.

.117.

Pifang Krauth .2. Pifang gelb rieben, vnd
.2. Mezen Lein, dan .2. Pifang halmb
rieben, wo khaufer die seinige hat, aus=
pauen, die Velder herrichten, vnd arbeithen,

Nitweniger das erwachsente nacher haus
fiehren, auch .2. hennen mit den seinigen
laufen lassen, Jtem von den verhandtene
obst den .3.t thail behendtigen, weithers
ihme verkhauf, will Er ganz al=
leinig, waschen, vnd andere Notturft ver=
schaffen, deme nun in ain: so andern nach=
zukommen haben Beede thail beÿ ghr [Gericht]
hierÿber handtstrachlichen angelobt. act:[um]
et Testes ut Supra

© Transkription durch Josef Ederer, Katzbach 33

F:\Fotos\Fotohistorik1\Grundsteuerkataster\Briefsprotokolldaten\Briefprotokolle\Briefprotokoll
e Waldmünchen 176\Buchschn Ka 12 BP 176 30_32.docx